



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

Parisiis, 1644

XXVIII. Epistola Lvciani Episcopi Byzensis, Ad Leonem Imperatorem.
Piissimo & Christianissimo domino imperatori, perpetuo Augusto Leoni,
Lucianus humilis Byzæ metropolitanus episcopus.

urn:nbn:de:hbz:466:1-14887

XXVIII.

EPISTOLA LVCIANI EPISCOPI
BYZENSIS, AD LEONEM IMPERATOREM.

*Piissimo & Christianissimo domino imperatori, perpetuo Augusto
Leoni, Lucianus humilis Byzæ metropolitanus
episcopus.*

DATIS mihi piis atque venerabilibus literis vestrae Christianitatis imperii, & relegente me sacros apices vestros, ac inueniente in eis feruentissimum circa orthodoxam fidem zelum, & excellentem pietatis intentionem, & quia valde pro sanctarum ecclesiarum pace curatis, nec non & vestras ciuitates sub quiete manere, & omnes subiectos in tranquillitate consistere festinatis, & sacerdotes Christi pro fidei robore ad concordiam inuitatis, & ea quæ discerpta sunt insidiis inimici, voluntate Dei coniungere decertatis: & mea humilitas suam indicat voluntatem, in quantum intelligere potest, principaliter quidem de Timotheo, quem etiam lectioni subiectæ preces edocuerunt sacerdotii appellatione & operatione nimis indignum, qui secundum sanctorum patrum regulas expellendus, nisi forte propter magnitudinem clementiæ sanctis summorum thronorum archiepiscopis quidquam de eo aliud videatur: eo quod & piissimæ vestrae diuinitus factæ clementesque literæ manifestant, valde vos de vrbe Alexandrina cogitare. De sancto vero & vniuersali Calchedonensi Concilio, quod concordat & trecentis decem & octo sanctis patribus qui in Nicæa conuenerunt, & centum quinquaginta qui post hæc in vrbe regia congregati sunt, & eis qui in Epheso sub Cælestino Romanæ vrbis, & Cyrillo Alexandrinorum, sanctis episcopis conuenerunt, etiam animo quidquam sumere, quod sit ei contrarium, impii atque hæretici sensus esse iudicaui.